



in omnibus largitatem; qui solo velle de inimicis suis posset facere ultionem; qui eos creavit, bona tribuit, à quibus offensus est: qui solem, totius Mundi gaudium, omnium oculorum latitiam, etiam à peccatoribus non abscondit. Simon Cassi. l. 10. c. 19.

Legatione fungimur - reconciliamini Deo. 2. Corinth. 5. 20. S. Gregor. homil. 32. in Evang. inter nos, & Deum, discordiam peccando fecimus: & tamen ad nos Deus suos Legatos prius misit: ut nos ipsi, qui peccavimus, ad pacem Dei rogati veniamus. Erubescat ergo humana superbia; confundatur quique; si satisfacti prior proximo. Aristippo cum Æschine nescio quid ire incidit. Quidam illi dixit: O Aristippe, ubi nunc amicitia vestra? respondit: dormit. Sed ego cum excitabo, aditque Æschinem. Adeone, inquit, tibi videor infelix, & insanabilis? ut ne moneri quidem merear à te. At Æschines: non mirum, ait, si, cum in omnibus me precellas ingenio, hic quoque. Si Christiana dormit amicitia, vel potius extincta est; excita illum prior placidis verbis, & factis. Barradius l. 7. c. 14. tom. 2. D. 5. Pent. Quanta autem autoritate. Legationis munere, fungatur Paulus, offendit S. Chrysof. citatus ab Hug. Card. hic. Credendum est, inquit, quod literas summi Papae sigillatas detulit. Sigilli impressio pauperibus, sitis, fames, crucis, ignominia; & hujus literæ subscriptio: Jesus Nazarenus &c. Sed parum est, ut homines Legatione pro reconciliatione mitteret: ipse Filius Mediator venit. Rom. 5. 10. Cum inimici essemus, reconciliati sumus Deo per mortem Filii eius.

Si quis adversus aliquem habet querelam, sicut & Dominus docuit vobis, ita & vos. Coloss. 3. 13. S. Anselmus hic: Dominus condonavit vobis sine ullo respectu vindictam sumendam: ita & vos condonate vobis semper ad invicem omnia. Debetis enim confiteri non negare, quod à bono Domino gaudetis vos percipisse. Novit hanc bonorum divinarum obligationem ipse Filius Dei: qui ubi à Patre accepit esse Filium; nihil magis fudit in Mundo, quam ut nos quoque filii Dei fieremus. Debit eis postulatorem filios Dei fieri. Joan. 1. 12.

Vide plura: Bonitas Dei. Item Tit. Misericordia Dei.

Christus D. dilexit Judam.

Unus vestrum me traditurus est. Matth. 26. 21. Christus offensus ex ipsis injuriis, quas accepit, arripit occasionem bene merendi de offensore, qui intulit. S. Chrysof. hom. de Juda: mira patientia! Petrus condemnat Ananiam mentientem; Salvator Judam patienter sustinet traditorem. Didacus Nyss. de proditoriis Jude.

Ego pro te impio, & peccatore: ut tu utique iniquitates mei sanguinis effusione lavarentur, magno silentio: & magna patientia; tradidit meum petuli: nonne imitaberis me, ut & tu non reddas mala pro bonis? S. August. in Pl. 7.

O anima, quæcumque impatiens, fava, & contumeliosa verba; quæque unico verbo ad iram, & contumeliosa verba; atque ad tui ultionem expectandam, commoveris: attende, quales tu Christus non dedignatus sit, ut quosque vilissimum proditorem suum; eumque amicum dicere, & daleiter osculari. Tu vero præteris proximos tuos, eis loqui contemnens; talique dedignatione tua ad odium eos, invidiamque, provocas: sicque animas illorum perdis, quos amabili aspectu, & suavi verbo, placare, & ad charitatem movere posses. Blossius marg. spir. p. 2. c. 3.

Permisiit se Christus osculari ad proditorum, ut per hoc Judam ad charitatem, & penitentiam, provocaret. 2. ut nobis mansuetudinis, & patientiæ, daret exemplum: videlicet, nè ab adversario vultum, & oculos avertamus; nec amulos indignanter suscipiamus. Dionys. Carth. in Matth. 26.

Christus D. dilexit crucifixorem.

Pater! dimitte illis. Luc. 23. 34. Criminatorum suos excusat à crimine. Illi crucem parabant; hic salutem, & gratiam, rependebat. S. Ambros. hic. Prima cura fuit Domino de aliis, postrema de se. Prima sententia dirigitur ad inimicos: quia charitas primum succurrit magis egentibus. Et nos quoque tanti Magistris discipuli, magis egenamus instrui de dilectione inimicorum; quæ difficilior, & rarior, est. Bellarminus l. 1. c. 11. de Septem V. D. Unde Iatro, cum miracula, quæ circa Crucem paulo post acciderant, nulla adhuc vidisset, ad mentem rediit? Fortassis ex oratione, quam Jesus Christus magna cum fiducia ad Deum, tanquam Patrem, transmittibat: Pater ignosce illis &c. Titus Boitren. ad c. 23. Luc.

O verbum totius dulcedinis, & veniæ! Pater ignosce illis! ò verbum totius amoris, & gratiæ; hodie mecum eris in paradiso. Repita nunc in spem veniæ anima, quantumcumque peccatrix: si tamen patientis pro te Domini Dei tui vestigia sequi non abhorres. S. Bonav. tr. de ligno vite.

Impetravit, quod petierat Christus; multaque statim milia crediderunt; & usque ad quadragesimum secundum annum datum est tempus penitentiae. Sanct. Hieron. ep. ad Hebidian. qu. 8.

Non solum pro transgressoribus oravit. II. 53. 12. dicens: Pater

dimitte &c. sed tota Passio ejus oratio pro transgressoribus fuit; qui eramus nos: nam in Adam omnino peccavimus. S. Rupertus in II. hic.

Christus dilexit alios inimicos.

Qui solem suum eriri facit. Matth. 5. 45. Mortis memoria non sinit odisse inimicos. Non otiose meminit Dominus solem, ut doceat nos parcere inimicis. Sol enim oritur, sed eodem die moritur. Pl. 103. 19.

Sol cognovit occasum suum. Credo neminem irasci posse inimico suo, si occasum suum spectet, si sepulchrum cogitet. Unde Joseph tam clemens in fratres? audierat eos dicentes Gen. 42. 13. alius non est super; id est, Joseph mortuus jacet sepultus. Ubi de se quasi mortuo audivit, non potuit non habere animum, etiam erga hostes, paratissimum. Baeza t. 3. lib. 14. c. 7. §. 10.

Plus super justos, & in justos. ib. Cum juberis zelus esse Dei placentis super justos, & in justos; non memineris communis hujus pluvia, quæ segetes nutriturum; sed illius pluvie sanguineæ, quæ à Passionis nobilo Dominus inimicos animos sibi emollivit; & Patri reconciliavit. S. Gregor. Naz. in tetralichis, cum tu dolore ardes maximo, Christi memor sis vulnerum; pars, & quota sint hæc dolorum, quos heros tulit tuos; sic nempe, ut undis obrutus, mœroris perit. Nicetas Naz. Scholastes: si cuspium in te contumelia effervere, atque in summam magnitudinem everta, ingentem in te furoris flammam excitarit, animamque tuam ulciscendi cupiditate incenderit; fac, proinus tibi Christus in mentem veniat; ad operam, & contumelias, illusiones, flagra, & vulnera ea, quæ ille salutis tuæ causa in cruce petulit, quamprimum recorderis: sic fiet, ut hujusmodi cogitationibus, tanquam aquæ, animam tuam leniens, atque irrigans, mœroris, atque iracundiæ æstum extinguas.

Transfiguratus est ante eos. Matth. 17. 2. Transfiguratur Christus sub nocte in monte excelso seorsim; patitur vero in Jerusalem aperta die: idque amore inimicorum suorum; quibus dolor fuisset, gloriam ejus videre; gaudium, poenas. Sylveira hic q. 6.

Secundum Motivum.

Inimicos dilexerunt Sancti.

Vox sanguinis fratris tui clamat ad me de terra. Gen. 4. 10. Vox sanguinis adhuc fratris tui, adhuc fratrem erga te amore incalcescentis; non ad te, sed ad me, clamat. Non tibi scelus exprimat; non hostem, non fratrem, vocat; sed meam appellat justitiam; si te facti non poeniteat: misericordiam implorat, ac veniam: si respicias, si doceas, si coniteris. Fernandus hic.

Quid venisti ad me hominem, quem odisti, & expulisti à vobis? fuit ergo eis contrarium; & post cibum, & potum, surgentes mand juraverunt sibi mutuo. Gen. 26. 27. 30. 31. ait Isaac ad injuriantes sibi.

Ocularisque est Joseph omnes fratres suos. Gen. 45. 15. Osculabatur singulos, & per singulos flectat, & irrigum lacrymis parentium colla perindebat; itaque odium fratrum charitas lacrymis abluerat. S. August. ferm. 83. de temp. Solet nobilitas facile parentum oblivisci meritas. Joseph autem nihil oblitus est in fratribus, nisi solas injurias. Denique pro odio misericordiam, pro crudelitate lætiam, pro gladiis ocula; representat: facit de hostibus dominos, & de ignobilibus claros. Sanct. Fulgent. ferm. de Joseph. Cur durius tractavit fratres? Sanct. Thomas Aquin. hic cap. 42. dat hanc: ut ex longa suspensione suæ revelationis, sub hujusmodi duritie fortius occultata, ipsa revelatio pleniori gaudio cumularetur.

Putasne, est aliquis, qui remanserit de domo Saul? 2. Reg. 9. 11. Dixit David obtento regno, hostibus omnibus debellatis. In fensu hostis filios requirit. An ut perdat? imò ut ad mensam trahat. Miphobose ait: restitutum tibi omnes agros Saul patris tui. v. 7. Baeza t. 3. l. 14. c. 7. §. 4. Beatus David, licet virtutibus multis fuerit exornatus; nulla tamen actio eum Deo familiaribus conjunxit, quam dilectio inimicorum suorum. S. Aug. l. 2. D. 3. Pasch. Similiter ait. S. Casarius hom. 11.

Pueredini dixi: pater meus es; mater mea, & soror mea, vermis. Job 17. 14. Vermes, à quibus corrodebatur, ut parentes optimos, ut fratres charissimos habebat. Tertull. lib. de Pat. quale Deus vexillum de inimico gloriæ suæ extulit; cum Job erumpentes bestias inde, in eodem specus, & passus, foraminolæ carnis ludendo revocaret. Baeza t. 3. l. 13. c. 7. §. 4.

Si steterit Moyses &c. Jer. 15. 1. S. Gregor. hom. 27. in Evang. Quid est, quod Moyses, & Samuel, ceteris Patribus in postulatione præferant? è nisi quod hi duo tantummodo in cuncta Testamenti veteris serie, etiam pro inimicis suis, leguntur exorasse. Unus apopulo lapidibus impetret. Ex. 17. 4. tamen pro lapidatoribus suis Dominum deprecatur. Alter ex principatu eicitur; & tamen petitus, ut exoraret fateatur dicens: absit à me hoc peccatum in Domino, ut effem orare pro vobis. 1. Reg. 12. 23. Cornel. in 1. Reg. 12. 15.

Dom.

Quarum Motivum.

Vindictam Deus sibi reservat.

Tenebatque Saul lanceam - & cinnie Saul David, è quoque Dominus esse curus. 1. Reg. 18. 11. 12. Cur timuit Davidem? Timebat Deum vindicem; videns, Davidem patienter ferre injurias; & ob id transferendum in regnum: quia, qui parit, purpura dignus est. De Castillo Illat. 12. 8.

Judicavit pro te Dominus hodie de manu omnium, qui surrexerunt contra te. 2. Reg. 18. 31. ait Chusi ad David casu Abfolone. Salvianus l. 2. de Provid. eundem (Davidem) cum fugasset è regno filius persecutor; iudex in brevi Dominus vindicavit. Nec vindicavit tantum; sed cumulatius vindicavit, quam ipse voluit, qui vindicabatur: ut ostenderet scilicet Deus; graviorem sibi esse injurias injusta tolerantiam, quam tolerantibus suam.

Arcegero gladio tuo - potentissimo. Pl. 44. 4. Post egregiam formam decoris, post gratiam insulam in labiis, imperatur à Patre, ut accingatur gladio suæ fortitudinis, ad conservanda omnium rerum jura; ut in pace finit omnia, quæ possidet. Nè ullus de vindicta cogitet servorum, dum viderit præstantem Dominum mucrone ultionis accinctum; S. Palschafius hic.

Deus ultionum Dominus. Pl. 93. 1. Non sumus nos Domini ultionum; non possumus liberè agere, & ut liber, ulcisci. Deus est Dominus ultionum. Barradius t. 3. l. 1. c. 20. Sæpe mos est Deo, ut dimittat, quæ in se peccata fuerint; verum quæ in proximum, & maxima exquirat levitate. S. Chrysof. hom. 26. in Gen. Men est ultio; & ego retribuam in tempore. Deut. 32. 35.

Non quanto gloriam meam. Joan. 8. 50. Euthym. vindictam contumelie meæ. Est sensus: non quanto à vobis gloriam meam vindicando, quam vos contumelias vestris detaxatis. Est, qui quarat, & judicet. q. d. impune non feretis. Est enim Pater meus, qui gloriam meam quarat, vos judicabit, & supplicium gravissimum sumet. Barradius aut cit.

Hæc ulciscendi libido negotium curat, aut gloria, aut malitia. Sed gloria ubique vanæ; & malitia Domino odiosa; hoc quidem loco maxime: quia malum duplicat, quod semel factum est. Quid enim referretur provocantem, & provocatum? nisi quod ille prior in maleficio deprehenditur, & provocatum? nisi quod vindicatur, honorem unici Judicis Dei abstat. Tertull. l. de Pat. Nihil omnium Deus ita odit, & averfatur; ut hominem ultionis avidum, & in animo suo perpetuas adversus proximum serventem inimicitias. S. Chrysof. hom. 27. in Gen.

Quintum Motivum.

Inimici profunt magis, quam obfunt.

Ex Veteri.

Pleraque Symbolicè.

Pro salute vestra misit me Deus ante vos. Gen. 45. 5. Consi-deravit, quid effeceret; non quod cogitaverint, Naxera in Jos. 2. §. 43.

Examen apum in cretae erat, ac faviis mellis. Judic. 14. 8. Leo est quilibet persecutor: apes aculeatæ sunt verba pungentia. Quæto plures fuerint apes, tanto plus de velle habebis dulcedinis æternæ. Vult nos fulsere Deus apes in Mundo, ut dulcedinem habere possimus in celo. S. Bonavent. ser. 4. Dom. 2. Pasch.

Foderunt manus meas, & pedes meos. Pl. 21. 17. Non dicit, transierunt, sed foderunt: ut notetur fructus, qui inde secutus est; scilicet æterna beatitudo. Hugo Card. hic.

Sicut novacula acuta fecisti delum. Pl. 51. 4. Ecce, quid faciunt Sanctis mali? capillos radunt. Qui quidem capilli non superflui facti sunt à Deo in corpore hominum, sed ad aliquod ornamentum. Tamen, quia sine sensu præciderunt illi, qui adherent corde Deo, sic habent illa terrena, tanquam capillos. S. August. hic. Sicut capilli in corpore nostro tanquam superflui videntur, & sine detrimento carnis raduntur; sic, quidquid potest tibi facere iratus potens, inter superflua numerat. Quid times hominem, ò homo! in sinu Dei es positus. Idem f. 6. de puero Centur.

Circumderunt me sicut apes. Pl. 117. 12. Apes, etiam inferno punitionis dolorem, amantur tamen: quia mellis dulcedinem administrant. Sic & persecutores meos, Domine, amare volo; & punitiones, quas mihi amaris conatus inferunt, contribulato spiritu tolerare; ut mellita jucunditas subsequatur. Urbanus IV. P. hic.

Sicut lilium inter spinas. Cant. 2. 2. Candidior, molliorque nitescit; aculeis etiam domesticorum afflicta veritatem tui decoris gratius ostendit. V. Beda hic.

Uque in tempus sustinuit patientem, & postea reddidit incuadentia. Eccl. 1. 29. Græcè: postea ei pullulavit, & quasi de terra exoritur, & germinat in læticia. Est metaphora elegans ab arboribus, quæ in hyeme patiuntur gelu, nives, frigora, inque spoliata fo-

Cc 4

liis, ac frondibus, quasi canescunt, & emoriuntur: in vere autem quasi vivificantur radiis solis, germinant; & in lætas frondes; flores, & fructus, erumpunt. Sic patiens in adversis, pauperat &c. Julius ergo est insar palmæ plantatæ secus decursum aquarum, quæ fructum dabit in tempore suo: id est, in tempore novissimo, ait Sanctus August. in Pl. r. Cornelius hic.

Ex Novo.

Benefacite his, qui oderunt vos, Matth. 5. 44. Inter benefactores oportet illos habere: Omnis enim qui non tentat, & persequitur, feviorem facit poenam, quam pro peccatis ferre debemus. Theophylactus hic.

Maiorem hæc dilectionem nemo habet, ut animam suam ponat quis pro amicis suis. Joan. 15. 13. Videtur perfectior amor pro inimicis mori. Sed Christus, juxta S. Gregor. hom. 27. in Euang. non amicos, sed inimicos, intelligit. Ad eum enim certum est, inimicos fore nobis amicos, si eis beneficium; ut non jam inimici, sed amici, sint appellandi. Pinna Eth. 72.

Nō stans illis hoc peccatum. Act. 7. 59. Qui pro inimicis sub ipso tempore consummatæ perfectionis oravit, beatitudinis suæ causâ persecutorum dilexit. Nec mirum, si eis nefarii irasci; per quos sibi videt aulam regni cœlestis aperiri; per quos se æternis sæculis intelligit consecrari. Eusebius Emill. hom. de S. Steph.

Ex Patribus, & aliis.

Plus diligendi sunt inimici, quam amici: qui enim inimici sunt, corpori adversantur, & animæ preparant æterna præmia: quia carnalia nostra, & terrena rapiunt; cœlestia nobis, & spiritalia congregant. S. August. l. 59. de temp. apud Did. de Castillo Illar. 126.

Inimici diligendi sunt; quia, sicut dapiferi, serviunt prandentibus: qui enim injuriam, vel contumeliam irrogat, dapes patientiæ, seu mansuetudini ministrat. Sic servivit Esau Jacobo Gen. 25. 23. Hugo Card. in Luc. 6.

Quid est aliud Perfectionibus exagitari, quam expoliri, in eorum lapidum morem; qui, cum prius rudes, atque informes essent, crebris tunitionibus tam pulchri fiunt, ut magnificentissima quæque ædificia exornent. Idid. Clarius l. 2. or. 17.

Sextum Motivum.

Odio, & vindicta, tibi nocet.

Ex Veteri, & Novo.

DEUS Patris vestri heri dixit mihi: cave, ne loquaris contra Jacob quidquam durius. Gen. 31. 29. O efficacissimam rationem ad nos ipsos superandos! Cùm ad ultionem pergis, ad teipsum revertere dicens in medio furoris tui: Deus mihi præcepit, ne quid durius proximo meo loquar. Altera causa est, cur Laban Jacob nocere nollet: quia filius meus, & filii, & greges tui, & omnia, quæ carnis, mea sunt. v. 43. q. d. mihi magis, rebus meis, quam tibi, nocebo. Cùm ira exandescis, dic: intra te: quid proximo meo possum damni inferre, quin mihi plus inferam &c. Diez con. 1. in Corn. Apoll.

Ulciscar me de hostibus meis. Iudic. 16. 28. Plures interfecit moriens, quam antea vivus occiderat: sed ultio vitam abstulit. Samson contumeliam passus vivit; cùm depellit infamiam, ipso triumpho tumulatus interit. Naxera in Ios. 9. S. 30.

Ex Patribus, & aliis.

Nullo modo nocere tibi potest inimicus sæviens, quantum tibi nocet, si non diligis inimicum. S. August. l. 48. de divers.

Sicut nullum in vulnere valet medicamentum, si sit intus ferrum; ita nihil proficit illius oratio, cuius pectore versatur mortiferum odium. Sanct. Augustin. lib. de recit. Cath. conversat.

Cùm nocentes innocentibus injuriam faciunt, illi patiuntur injuriam, qui facere se credunt. S. Cyprian. ep. 55. Est verè pruina, & frigus, injuriarum memoria. Sed invocemus solem justitiæ; arcem eum, ut radios suos emittat, & non erit amplius congelata pruina, sed fluvalis unda. S. Chrysostr. hom. 4. in Theffal. 3.

Non attendimus; quia dum nos invicem odio habemus, ita muros cœlestis Jerusalem contra nos claudimus, ut nobis nullus aditus remaneat, per quam intrare possimus. Sanct. Cæsarius hom. 17.

Confueverunt, qui accensi sunt nocendi animo, inde fatigabiliter cogitare, quibus modis inextinguibilem erga odiosos tibi suam valeant perficere voluntatem. Nocent magis, magisque nocere desiderant. Illius gehennæ, qui inextinguibilis est, se filios esse infuanti; & operaque patris eorum faciunt, qui interminabiliter cruciantur in ea. S. Laurent. Just. de triumph. c. 10.

Sicut tinea columit pannum. ex quo nata est; & vermis ro-

dit lignum, ex quo natus est: Sic hæc onera, quæ cor tuum pregrunt, oriuntur ex propria tua concupiscentia. Stella p. r. c. 2. de pace cordis.

Apicula aculeo in manum infixio mortua concidit. Lem. Mem me vindicta premis. Bovius.

Septimum Motivum.

Inimicis ignoscere, fortitudo, victoria.

Ex Veteri.

Ecco dies, de qua locutus est Dominus ad te: ego tradam tibi inimicum tuum, cui facias ei, sicut placuerit in oculis tuis. x. Reg. 24. 5. Quis talem nactus hostem, non se, inflicta plaga, periculo liberaret? Amici impotuntè proritabant, ad vindictam cogebant; & Deus hostem in prædam concedebat: sed Davidis animus non potuit vinciri: cultos hostis sui fuit, vindicta abstinuit. Propitius sit mihi Dominus, ne faciam hæc rem. v. 7. Dominum meum novi clementia delectari. Licet occidere; sed perfectius erit parere. Si feriam, ostendam, quid mihi liceat: quid in me possum, si parcam. Naxera in Ios. 9. S. 28.

Palmus decimus septimus habet pro titulo: In finem pro fuero Domini David, qui locutus est Domini verba Cantici huius in die, quæ eripuit eum Dominus de manu omnium inimicorum eius, & de manu Saul. Cur non intonat: Canticum, de victoriis contra Goliath, & Philistæos? cur victoriam de Saule specialiter memorat? quia gloriosior hæc fuit; cùm eum patiendi devicerit. Sylveira addit. in Evang. Matth. 26. q. 6.

Fortitudinem meam ad te custodiam. Pl. 58. 10. Utor fortitudo dinea, non ad hostes meos dejiciendos, sed ad te placandum. Drexellius Orb. Phæac. 55. S. 1.

Invenimus te custodios: percusserunt me: mox: adiuvo vos, - ut nuntiatis ei, quia amore langueo. Cant. 5. 7. 8. Quasi memorabilem victoriam consecuta, referre sponso jubet: quod percussa, & injuriis affecta, non fervet odium in corde, non spiret vindictam, sed offensæ immemor, langueat amore. Alvarez Illustr. 176.

Ex Novo, & Patribus.

Data est mihi omnis potestas. Matth. 28. 18. Quoniam veritate hæc potestatem? Euntes ergo docete omnes Gentes. v. 19. Et Lucas ait 24. 52. incepisse Apostolos ab Jerusalem munus suum, exercere, ubi plurima passus. Didacus Nyfl. f. 6. post Cin. 5.

Egressus David ex spelunca post illum, liberis deinceps oculis cœlum intruens; ac tunc temporis magis exultans, quam cùm Goliath dejecisset, & barbari caput amputasset. Si quidem hæc magnificentior erat victoria; hæc magnificentiora spolia, hæc præda illustrior, hoc gloriosius trophæum. S. Chrysostr. hom. 2. de David, & Saul. Ibidem manum Davidis, quæ peperit Sauli, vocat dexteram totius orbis prætor pacem.

Stephanus, ut nominis sui coronam meruitque accipere, charitatem pro armis habebat; & per ipsam ubique vincebat. S. Fulgentius l. de S. Steph.

Hæc sunt arma iusti, ut cedendo vincat. Sicut periti jaculandi, cedentes solent vincere, & fugientes gravionibus sequentem vulnerare scilicet. S. Ambr. Eth. Chr. c. 5. l. 1.

Quando homo paratus est sustinere injurias pro Christo, tunc magis vincit; & hostis incidit in foveam, quam fecit. Hugo Card. in c. 18. Joan.

Ottavum Motivum.

Inimicis ignoscere, opus eximium, meritum &c.

Ex Veteri.

Fuerunt ei obvium Angeli Dei. Gen. 32. 1. Cur nunc potius, quam alias, habuit obvios Angelos? S. Ambros. l. 2. de Jacob c. 6. Perfectus, & fidelibus, divina solent esse præsidia: perfectus autem, qui cogitabat de reconciliatione fraterna; ita ut humilitate etiam invitaret, officiis acquireret; muneribus quoque emendam putaverit: cùm tamen plures injurias suscepisset à fratre. Placabo illum muneribus. v. 20. Paolletti D. 5. Pent.

Vidisti faciem tuam, quasi viderim vultum Dei. Gen. 33. 10. Dixit Jacob ad Esau, quia Esau cogitabat de reconciliatione fraterna; & injurias omnes dabat benedictionis, & hereditatis, oblivione sepehvit, species Dei in vultu ejus resulget. Exprimat id Abulensis: quia jam pace perfecta fruebatur. Arcones in Isa. 2. Dile. 5.

Egressus est David ex spelunca 1. Reg. 24. 4. 8. tanta cum gloria, cum quanta tres pueri egressi sunt ex camino ardente. Nam quemadmodum illos non exulit ignis, ita hic non conflagravit ire incendio. S. Chrysostr. hom. 2. de David, & Saule. Præfuerat David non belli dux militibus, sed ut Sacerdos jamque spelunca illa erat Ecclesia. Neque enim aliter, atque aliquis, Episcopus sortitus munus, ad illos concionem habebat: ac peracta hæc concione sacrificium obtulit, idque admirabile quod-

Continuatio ejusdem argumenti.

Ex Veteri, Novo, & aliis.

Oleum unctiois fundens super caput ejus: Ex. 29. 7. Sumus de sanguine ejus, & ponet super extremum auriculæ dextere etc. v. 20. Sanguis in auricula signat contumeliam factam à grege subdito; oleum in capite, patientiam. Hildebertus ep. 51. potestatis cedit ad gloriam, injurias ulcisci nolle, cùm possit. Velloso in Judith 7. Par. 41.

Rahab hostibus benefaciens, eos abscondens &c. Jos. 2. 4. non solum vita donata est; sed in regiam coopata tribum, Salomoni nupsit. Matth. 1. 5.

Fecit Rex Salomon thronum de obre grandem - & duodecim leuculi stantes super sex gradus. 3. Reg. 10. 18. 20. Non temerè Salomon pacis amans vocatur rex; cùm leones sub pedibus habeat: quasi infumet; sed licet petrum rictu leonino, adhuc Salomonem pacis studiosum esse. Velloso in Judith 7. Par. 41.

Procedens autem servus ille orabat: Matth. 18. 26. Et mox obsequio humili veniam impetrat v. 27. miserens autem Dominus servi illius, dimisit eum. Id non miror. Abulens. q. 132. Rex, scilicet quia nobilis erat, citò miserus est. Velloso in Judith 3. Par. 10.

Domine, vis dicimus etc. Luc. 9. 54. 55. Nescitis, cuius Spiritus estis. Inconsequenter me Dominum vocatis, & ad inimicorum excitatis vindictam. Efcobar t. 2. Peric. Chr. Obf. 3. Pater! dimitte illi. Luc. 23. 34. Benefici scribitur Rex Christus, ubi sævienti contra se indulget Synagoge. Oliva fer. 6. Cin.

In capitibus eorum corona aurea. Apoc. 4. 4. An ferro eorum manus armata? habentes singuli citharas. ib. cap. 5. 8. Examtata regum manus est; ne quid habeant, quo ulciscantur injurias Natura apicularum regem sine aculeo esse vult, ait Seneca lib. 1. ad Neron. cap. 19. telungue detraxit, & iram ejus reliquit inermem; exemplum hoc regibus magnis ingens. Velloso in Judith 7. Par. 41.

Habet in vestimento, & in femore suo scriptum: Rex regum, & Dominus aominantium. Apoc. 19. 16. Numquam tamen vidi Christi femori affixum acinacem. Dices: David ait Psalm. 44. 4. Accingere gladio tuo super femur tuum potentissimè. Nisi fallos, carebat gladio; qui, ut eo accingatur, monetur: accingere. Erat ergo non accinctus. Nec obiciat, prodiisse Filium hominis Apoc. 1. 16. cum ense inter candelabra, tanta plenum majestatis, ut Joannes ad pedes ejus quasi mortuus corruerit: nam non ultio, sed justitia, hic cerebratur. Secundò gladius non vibratus, sed in ore erat. Denique nihil majestatis ibi fulgurat. Non enim thronus adest, non Angeli adsunt, nemo plallit, aut surgit è subselliis: quæ omnia ficitata coram Domino sequentibus capitibus: nam Agnus apparuit. Oliva fer. 6. Cin.

Decimum Motivum.

Non ignoscere, ignobile, servile.

Dimitte me, ut irascatur furor meus contra eos, & deleam eos. Ex. 32. 10. Potentia suæ, & majestati, ad speciem detrahit, dum testatur se quodammodo devinctum. Ad nosstram eruditionem; cùm irasci vult, pusilla (sic loqui licet) quodammodo verba profert, se dimitti petit: quasi à divinitate ad speciem deferret. Tertull. lib. 2. contra Marc. c. 26. Satis & tunc pusillus Deus, in ipsa etiam ferocia sua, cùm, ob vituli adoratum, efferatus in populum, de famulo suo postulat Moyse: sine me; & indignatus ira disperdam illos. Pia audacia pusillam Deum vocat; cùm se ulcisci parat: ut ostendat; in nobis generositate detrahi per ultionis appetitum. Naxera in Jos. 2. S. 21.

Porro Gaboonita non erant de filiis Israel, sed reliquis Amorrorum. 2. Reg. 21. 2. Injuriosè tractaverat Saul Gaboonitas contra jusjurandum, quod præstitit eis. Jos. 9. 20. 15. propter quod ira Dei descendit super Israël. 2. Reg. 21. 1. cùm jam David sceptrum teneret; ut Numen placaret, vocatis Gaboonitis ait v. 3. quid faciam vobis? & quod erit vestrum piaculum, ut benedicatur hereditati Domini? Cur responderunt Gaboonites: contra filios Israel non incendimur ira, sed contra domum Sauli, qui nos oppressit iniquè: quamobrem denuo nobis septem viri de filiis ejus, ut crucifigamus eos Domino. Sed nota, quod de his dicitur v. 2. porro Gaboonita non erant de filiis Israel etc. q. d. erant vilissimi de populo. Lyran. hic: Si Gaboonites fuissent de filiis Israel, fuissent magis misericordes; & indulsissent factum Saulis contra eos. De Castillo Illar. 53.

Quid gloriaris in malitia, qui potens es in iniquitate? Psalm. 51. 3. Gloriaris, quia potens es in malo? ò potens! quid facturus es? multum te factas, occisurus hominem. Hoc & scriptus, hoc & una febris, hoc & fungus malus. Hucine redacta est potentia tua; ut malo fungo coarquetur? Oliva conc. 7. die Ven. 4. in Quadrag.

Serve nequam. Matth. 18. 32. Servus omnino erat, qui conser-



